

雜阿含經

第十五

二百七十三  
川五

Handwritten numbers: 49486



Small handwritten mark or symbol.

雜阿含經卷第二十五

宋天竺三藏求那跋陀羅譯

今時世尊告尊者阿難此摩偷羅國將來世  
當有商人子名曰掘多掘多有子名優波掘  
多我滅度後百歲當作佛事於教授師中最  
為第一阿難汝遙見彼青色叢不阿難白  
佛唯然已見世尊阿難是處名為優留曼荼  
山如來滅後百歲此山當有那吒跋置迦阿  
蘭若處此處隨順寂默最為第一今時世尊  
作是念我若以教法付囑人者恐我教法不  
得久住若付囑天者恐我教法亦不得久住  
世間人民則無有受法者我今當以正法付

囑人天諸天世人共攝受法者我之教法則  
千歲不動尔時世尊起世俗心時天帝釋及  
四大天王知佛心念來詣佛所稽首禮足退  
坐一面尔時世尊告天帝釋及四大天王如  
來不久當於無餘涅槃而般涅槃我般涅槃  
後汝等當護持正法尔時世尊復告東方天  
王汝當於東方護持正法次告南方西方北  
方天王汝當於北方護持正法過千歲後我  
教法滅時當有非法出於世間十善悉壞閻  
浮提中惡風暴起水雨不時世多飢饉雨則  
災雹江河消滅花果不成人無光澤虫村鬼  
村悉皆磨滅飲食失味珍寶沉没人民服食

鹿澀草木時有釋迦王耶槃那主鉢羅婆王  
瓊沙羅王衆多眷屬如來頂骨佛牙佛鉢安  
置東方西方有王名鉢羅婆百千眷屬破壞  
塔寺殺害比丘北方有王名耶槃那百千眷  
屬破壞塔寺殺害比丘南方有王名釋迦百  
千眷屬破壞塔寺殺害比丘東方有王名瓊  
沙羅百千眷屬破壞塔寺殺害比丘四方盡  
亂諸比丘來集中國時拘睒彌國有王名摩  
因陀羅西那其王生子手似血塗身似甲冑  
有大勇力其生之日五百大臣生五百子皆  
類王子血手冑身時拘睒彌國一日兩血拘  
睒彌王見此惡相即大恐怖請問相師相師

白王王今生子當王閻浮提多殺害人生子  
七日字曰難當年漸長大時四惡王從四方  
來殺人民摩因陁羅西那王聞則恐怖時有  
天神告言大王且立難當爲王足能降伏彼  
四惡王時摩因陁羅西那王受天神教即捨  
位與子以髻中明珠冠其子首集諸大臣香  
水灌頂召五百大臣同日生子身被甲冑從  
王出征與四惡王大衆戰勝殺害都盡王閻  
浮提治在拘睠彌鞞國

尔時世尊告四大天王巴連弗國於彼國當  
有婆羅門名曰阿耆尼達多通達比陁經論  
彼婆羅門當納妻後時中陰衆生當來與其

作乎入母胎中時彼母欲與人論議彼婆羅門即問諸相師相師荅云是胎中衆生當了達一切論故令母生如是論議之心欲將人論議如是日月滿足出生母胎以爲童子了達一切經論恒以經論教授五百婆羅門子及餘諸論教授餘人以醫方教醫方者如有衆多弟子有衆多弟子故名曰弟子次當從父母求出家學道乃至父母聽其出家彼即於我法中出家學道通達三藏善能說法辯才巧妙言語談說攝多眷屬

又復世尊告四大天王即此巴連弗邑國中當有大商主名曰須陁那中陰衆生來入母

胎彼衆生入母胎時令母質直柔和無諸邪  
想諸根寂靜時彼商主即問相師相師答曰  
胎中衆生極爲良善故令母如是乃至諸根  
寂靜至月滿足便生童子名曰脩羅他年紀  
漸長乃至啓白父母求出家學道父母即聽  
於我法中出家學道勤行精進修習道業便  
得漏盡證阿羅漢果然寡聞少欲知足及少  
知舊居在山藪林間山名捷陀摩羅時彼聖  
人恒來爲難當王說法彼父王當無常無常  
之日難當見父過世兩手抱父屍悲號啼哭  
憂惱傷心時彼三歲將多眷屬來詣王所爲  
王說法王聞法已憂惱即止於佛法中生大



敬信而發聲唱言自今以後我施諸比丘無  
恐畏適意爲樂而問比丘前四惡王毀滅佛  
法有幾年歲諸比丘荅去經十二年王心念  
口言作師子吼我當十二年中當供養五衆  
乃至辦諸供具即便行施行施之日天當降  
香澤之雨遍閻浮提一切實種皆得增長諸  
方人衆皆持供養來詣拘睒彌國供養衆僧  
時諸比丘大得供養諸比丘輩食人信施而  
不讀誦經書不墜闍爲人受經戲論過日眠  
卧終夜貪著利養好自嚴飾身著妙服離諸  
出要寂靜出家三菩提樂形類比丘離沙明  
功德是法中之大賊助作末世壞正法幢建

惡魔幢滅正法炬然煩惱火壞正法鼓毀正  
法輪消正法海壞正法山破正法城拔正法  
樹毀禪定智慧斷戒瓔珞汙染正道時彼天  
龍鬼神夜叉輒闍婆等於諸比丘所生惡意  
毀些諸比丘厭惡遠離不復相親異口同音  
嗚呼如是惡比丘不應於如來法中而說偈言

非吉行惡行

行諸邪見法

此諸愚癡人

打壞正法山

行諸惡戒法

棄諸如法行

捨諸勝妙法

拔除今佛法

不信不調伏

樂行諸惡行

諂偽誑世間

打破牟尼法

毀形習諸惡

凶暴及千行

依法誑世人

忿恨自貢高

貪著求名利

無惡業不備

如佛所說法

法沒有是相

今者悉已見

智者所輕賤

此法今出已

牟尼正法海

不久當枯竭

正法今少在

惡人復來滅

毀壞我正法

時彼諸天龍神等皆生不歡喜心不復當護

諸比丘而同聲唱言佛法却後七日滅盡號

咤悲泣共相謂言至比丘說戒日共相鬪諍

如來正法於中而滅如是諸天悲惱啼泣時

拘睽弥城中有五百優婆塞聞諸天之言共

詣諸比丘衆中諫諸比丘鬪諍而說偈言

嗚呼苦劇歲

愍念群生生

其法今便滅

釋師子王法

惡輪壞法輪

如是盡金剛

乃能不即壞

安隱時已滅

危險法已起

明智人已過

今見如是相

當知不復久

牟尼法斷滅

世間無復明

離垢寂滅口

牟尼日今沒

世人失伏藏

善惡無差別

善惡無差別

誰能得正覺

法燈今在世

及時行諸善

無量諸福田

此法今當滅

是故我等輩

知財不堅牢

及時取堅實

至十五日說戒時法當沒今日五百優婆塞

一日之中造五百佛塔時諸優婆塞各有餘

務不復來往眾僧眾中今時住捷陀摩羅山

脩羅他阿羅漢觀閻浮提今日何處有眾僧

說戒見有拘睒彌國如來弟子說戒為布薩

即詣拘睒弥時彼僧衆乃有百千之中唯有  
一阿羅漢名曰脩羅他又復有一三歲名曰  
弟子此是如來最後大衆集尔時維那行沙  
羅籌白三歲上座言衆僧已集有百千人今  
為說波羅提木叉時彼上座荅言閻浮提如  
來弟子皆來集此數有百千如是衆中我為  
上首了達三歲尚不學戒律況復餘者而有  
所學今當為誰而說戒律而說偈言

今是十五日

夜靜月清明

如是諸比丘

今集聽說戒

一切閻浮提

僧衆最後集

我是衆中上

不學戒律法

況復餘僧衆

而有所學習

何能牟尼法

釋迦師子王

彼戒誰有持 是人乃能說

尔時彼阿羅漢脩羅陀立上座前合掌  
白上座言上座但說波羅提木叉如佛在世  
時舍利弗目犍連等大比丘眾所學法我今  
已悉學如來雖滅度於今已千歲彼所制律  
儀我悉已備足而說偈言

上座聽我語

我名脩羅陀

漏盡阿羅漢

僧中師子吼

牟尼真弟子

信佛諸鬼神

聞彼聖所說

悲哀泣流淚

低頭念法滅

從今去已後

無有說法者

毗尼別解脫

不復在於世

法橋今已壞

法水不復流

法海已枯竭

法山已崩頽

法會從今絕

法幢不復見

法足不復行

律儀戒永沒

法燈不復照

法輪不復轉

閉塞甘露門

法師不在世

善人說妙道

衆生不識善

不異於野獸

今時佛母摩訶摩耶夫人天上來下詣諸衆

僧所號咷啼泣嗚呼苦哉是我之子經歷阿

僧祇劫修諸苦行不顧勞體積德成佛今者

忽然消滅而說偈言

我是佛親母

我子積苦行

經歷無數劫

究竟成真道

悲泣不自勝

念法忽磨滅

嗚呼智慧人

爾今何所在

持法捨諍訟

從佛口所生

諸王無上尊

真實佛弟子

頭陁修妙行 宿止林藪間 如是真佛子

今爲何所在 今者於世間 無有諸威德

曠野山林間 諸神寂無言 施戒愍群生

信戒自莊嚴 忍辱質直行 觀察諸善惡

如是諸勝法 今忽都已盡

今時彼上座弟子作是念言彼脩羅陁比丘

自言如來所制戒律我悉備持今時上座有

弟子名曰安伽陁起不忍之心極生忿恨從

座起罵辱彼聖汝是下座比丘愚癡無智而

毀辱我和上即持利刀殺彼聖人而說偈言

我名安伽陁 失沙之弟子 利劍殺汝身

自謂我有德



尔時有一鬼名曰大提木佉作是念言世間  
唯有此一阿羅漢而為惡比丘弟子所害執  
持金剛利杵杵頭火然以此打破彼頭即便  
命終而說偈言

我是惡鬼神 名大提木佉 以此金剛杵  
破汝頭七分

尔時阿羅漢弟子見彼弟子殺害其師忿恨  
不忍即殺三藏尔時諸天世人悲哀啼泣嗚  
呼苦哉如來正法今便都盡尋即此大地六  
種震動無量眾生號咷啼泣極為愁惱嗚呼  
今日正法不復現世作是語已各各離散  
爾時拘睢彌國五百優婆塞聞已往詣寺中

舉手拍頭高聲大哭嗚呼如來愍念世間濟  
諸群生無有巨細誰當爲我說法義今者人  
天解脫不復可得衆生今日猶在暗暝無有  
引導長習諸惡以此爲歡如諸野獸不聞牟  
尼妙法身壞命終墮在三塗譬如流星世人  
從今已後無復念慧寂靜三昧十力妙法亦  
時拘睠彌王聞諸比丘殺真人阿羅漢及三  
藏法師心生悲惱惋慨而坐亦時諸邪見輩  
諍競打破塔廟及害比丘從是佛法索然頓  
滅亦時世尊語釋提桓因四大天王諸天世  
人於我滅度之後法盡之相如上所說是故  
汝等今者不可不以勤力加於精進護持正

法久令在世。尔時諸天世人聞佛所說，各各悲顏，以手揮淚，頂禮佛足，各自退去。

阿育王施半阿摩勒果因緣經

阿育王於如來法中得大敬信時，王問諸比丘言：誰於如來法中行大布施？諸比丘白王言：給孤獨長者最行大施。王復問曰：彼施幾許寶物？比丘荅曰：以億千金。王聞已，如是思惟：彼長者尚能捨億千金，我今為王何緣復以億千金施？當以億百千金施。時王起八万四千佛塔於彼一一塔中，復施百千金，復作五歲大會，會有三百千比丘，用三百億金供養於彼僧眾中。第一分是阿羅漢，第二分是

學人第三分是真實凡夫除私庫藏此閻浮  
提夫人姝女太子大臣施與聖僧四十億金  
還復贖取如是計校用九十六億千金乃至  
王得重病時王自知命欲終盡時有大臣名  
羅陀崛多時王宿命是施佛土時同伴小兒  
時彼大臣羅陀崛多見王重病命垂欲盡誓

首以偈問曰

顏貌常鮮澤

百千姝女遶

譬如諸蓮華

蜜蜂當聚集

今覩聖王顏

無有諸鮮澤

王即以偈答

我今無所憂

失財及王位

此身及餘親

及諸種種寶

我今所愁者

不復覩賢聖

四事以供養  
心意無所寧

我今唯念此

顏色有變異

又復我常所願欲以滿億百千金作功德今願不得滿足便就後世時計校前後所施金銀珍寶唯減四億未滿王即辦諸珍寶送與雞雀寺中法益之子名三波提為太子諸臣等啓太子言大王將歿不久今以此珍寶送與寺舍中今庫藏財寶已竭諸王法以物為尊太子今宜斷之勿使大王用盡也時太子即勅典藏者勿復出與大王用之時大王自知索諸物不復能得所食金器送與寺中時太子令斷金器勅以銀器王食已復送與寺

中又斷銀器給以銅器王亦以此送與赤中  
又斷銅器給以瓦器時大王手中有半阿摩  
勒果悲淚告諸大臣今誰為地主時諸臣啓  
白大王王為地主時王即說偈答曰  
汝等護我心 何假虛妄語 我今坐王位  
不復得自在 阿摩勒半果 今在於我手  
此即是我有 於是得自由 嗚呼尊富貴  
可厭可棄捨 先領閻浮提 今一旦貧至  
如恒何駛流 一逝而不反 富貴亦復然  
逝者不復還  
又復如佛偈所說  
凡盛必有衰 以衰為究竟 如來神口說

真實無有異

先時所教令

速疾無有礙

今有所求索

無復從我教

如風礙於山

如水礙於岸

我今所教令

於今已永絕

將從無量衆

擊鼓吹貝螺

常作諸伎樂

受諸五欲樂

姝女數百衆

日夜自娛樂

今者都永盡

如樹無華實

顏貌轉枯盡

色力亦復然

如華轉萎悴

我今亦復尔

時阿育王呼侍者言汝今憶我恩養汝持此

半阿摩勒果送雞雀寺中作我意禮拜諸比

丘僧足白言阿育王問評諸大聖衆我是阿

育王領此閻浮提閻浮提是我所有今者頓

盡無有財寶布施衆僧於一切財而不得自

在今唯此半阿摩勒果我得自由此是最後  
布施檀波羅蜜哀愍我故納受此施令我得  
供養僧福而說偈言

半阿摩勒果 是我之所有 於我得自在

今捨於大眾 緣心在於聖 更無濟我者

憐愍於我故 納受阿摩勒 為我食此施

因是福無量 世世受妙樂 用之無有盡

時彼使者受王勅已即持此半阿摩勒果至

雞雀寺中至上座前五體著地作禮長跪合

掌向上座而說偈曰

領於閻浮提 一繖擊一鼓 遊行無所礙

如日照於世 業行報已至 在世不復久



無有王威德

如日雲所翳

号曰阿育王

誓首禮僧足

送此布施物

謂半阿摩勒

願求來世福

哀愍彼王故

聖眾愍彼故

受是半果施

時彼上座告諸大眾誰聞是語而不厭世間

我等聞是事不可不生厭離如佛經所說見

他表事應生厭離若有識類眾生者聞是事

豈得不捨世間而說偈曰

人王世中最

阿育孔雀姓

閻浮提自在

阿摩勒為主

太子及諸臣

共奪大王施

送半阿摩勒

降伏恠財者

使彼生厭心

愚夫不識施

因果受妙樂

示送半摩勒

時彼上座作是念言云何令此半阿摩勒一切衆僧得其分食即教令研磨著石榴羹中行已衆僧一切皆得周遍時王復問傍臣曰誰是閻浮提王臣啓王言大王是也時王從卧起而坐願望四方合掌作禮念諸佛德心念口言我今復以此閻浮提施與三寶隨意用之而說偈曰

今此閻浮提

多有珍寶飾

施與良福田

果報自然得

以此施功德

不求天帝釋

梵王及人主

世界諸妙樂

如是等果報

我悉不用受

以是施功德

疾得成佛道

爲世所遵仰

成得一切智

世間作善友

導師最第一

時王以此語盡書紙上而封緘之以齒印印之作如是事畢便即就盡

亦時太子及諸臣宮人嫫女國界人民興種種供養送如王之法而闍維之

亦時諸臣欲立太子紹王位中有一大臣名曰阿菟羅陀語諸臣曰不得立太子爲王所以者何大王阿育在時本誓願滿十萬億金作諸功德唯減四億不滿十萬以是故今捨闍浮提施與三寶欲令滿足今是大地屬於三寶去何而立爲王時諸臣聞已即送四億諸金送與寺中即便立法益之子爲王名三

波提次復太子名毗梨訶波佉爲紹王位毗  
梨訶波佉太子名曰毗梨訶西那次紹王位  
毗梨訶西那太子名曰沸沙須摩次紹王位  
沸沙須摩太子名曰沸沙蜜多羅次紹王位  
時沸沙蜜多羅問諸臣曰我當作何等事令  
我名德久存於世時賢善諸臣信樂三寶者  
啓王言阿育大王是王之前種姓彼王在世  
造立八万四千如來塔復興種種供養此之  
名德相傳至今王欲求此名者當造立八万  
四千塔及諸供養王言大王阿育有大威德  
能辦此事我不能作更思餘事中有惡臣不  
信向者啓王言世間二種法傳世不滅一者

作善二者作惡大王阿育作諸善行王舍當  
行惡行打壞八万四千塔時王用佞臣語即  
興四兵衆往詣寺舍壞諸塔寺王先往雞雀  
寺中寺門前有石師子即作師子吼王聞之  
即大驚怖非生獸之類而能吼鳴還入城中  
如是再三欲壞彼寺

時王呼諸比丘來問諸比丘使我壞塔爲善  
壞僧房爲善比丘荅曰二不應行王其欲壞  
者寧壞僧房勿壞佛塔時王殺害比丘及壞  
塔寺如是漸漸至婆伽羅國又復唱令若有  
人能得沙門釋子頭來者賞之千金尔時彼  
國中有一阿羅漢化作衆多比丘頭與諸百

姓令送至於王所令庫藏財寶竭盡時彼王  
聞阿羅漢作如是事倍復瞋恚欲殺彼阿羅  
漢時彼羅漢入滅盡正受王作無量方便殺  
彼聖人終不能得入滅盡三昧力故不傷其  
體如是漸進至佛塔門邊彼所塔中有一鬼  
神止住其中守護佛塔名曰牙齒彼鬼神作  
是念我是佛弟子受持禁戒不殺害衆生我  
今不能殺害於王又復作念有一神名曰爲  
垂行諸惡行凶暴勇健求索我女我不與之  
今者爲護正法故當嫁與彼令其守護佛法  
即呼彼神語言我今嫁女與汝然共立約誓  
汝要當降伏此王勿使興諸惡行壞滅正法

時王所有一大鬼神名曰烏荼威德具足由  
彼神故不奈王何時牙齒神作方便今日王  
滅勢自然由此鬼神我今誘誑共作親厚如  
是與彼神作知識極作知識已即將此神至  
於南方大海中時彼巫神排攬大山推連王  
上及四兵衆無不死盡衆人唱言快哉快哉  
是世人相傳名爲快哉彼王終亡孔雀苗囊  
於此永終是故世間富樂不足爲貪阿育大  
王有智之人覺世無常身命難保五家財物  
亦如幻化覺了彼法勤行精進作諸功德乃  
至臨終係心三寶念念不絕無所悵惜唯願  
盡成阿耨多羅三藐三菩提





